

आकाशवाणी

खबरां ---

1. भारत ते चीन पूर्वी लद्दाख च असल कब्जा रेखा पर गश्त गी लेइए समझौते पर पुज्जी गेन।
2. प्रधानमंत्री होंरे ब्रिक्स सम्मेलन च शिरकत करने लेई कल रूस जा'रदे न।
3. केंद्री गृह मंत्री अमित शाह होंरे आखेआ ऐ जे भारत दा आपराधिक न्याय संहिता दुनिया च सब्बनें शा आधुनिक होग।
4. श्रम ते रोजगार मंत्री डॉ. मनसुख मांडविया हारें अज्ज नमीं दिल्ली च असंगठित क्षेत्र दे कर्मिणं लेई ई-श्रम ते ई-स्टाफ सलूशन दी शुरुआत कीती।
5. भारत दी पैहली क्षेत्रीय तेज रफ्तार आली रेड गड्डी नमो भारत गी चालू होए दे इक बरा पूरा होई गेआ ऐ।

<><><><><><>

## India-China

भारत ते चीन पूर्वी लद्दाख च असल कब्जा रेखा पर गश्त गी लेइए समझौते पर पुज्जी गेन। विदेश सचिव विक्रम मिश्री होरें नमीं दिल्ली च मीडिया गी इस बारे जानकारी दिंदे होई दस्सेया जे इस समझौते कन्नै असल कब्जा रेखा परा सैनिकें दी वापसी होई सकदी ऐ ते 2020 च शुरू होई दी तनोतनी दा नबेड़ा होई सकदा ऐ। उनें दस्सेया जे दौनें धडें बश्कार तफसीली चर्चा दे नतीजे च बन्ने कन्ने लगदे इलाकें च गश्त गी लेइए सैहमति बनी ऐ।

<><><><><><>

## PM-Russia Tour

प्रधानमंत्री नरेंद्र मोदी होर ब्रिक्स शिखर सम्मेलन च हिस्सा लैने लेई कल रूस जा करदे न। मोदी होर रूस दे राष्ट्रपति व्लादिमीर पुतिन हुंदे साददे पर रूस दा दौरा करा करदे न। शिखर सम्मेलन दे इस संस्करण दा विषय न्यायसंगत कुल संसारी विकास ते सुरक्षा लेई बहुपक्खवाद गी मजबूत करना ऐ। इस बारे मीडिया गी जानकारी दिंदे होई विदेश सचिव विक्रम मिश्री होरें दस्सेया जे मोदी होर कल कजान लेई रवाना होंगन।

<><><><><><>

## PM-Russia

रूस दे कजान च भारतीय समुदाय दे विद्यार्थी प्रधानमंत्री नरेंद्र मोदी हुंदे सुआगत लेई बड़े मते उत्साह न ते बड़ी गै बेसब्री कन्नै उंदे उत्थे पुज्जने आले ध्याड़े गी बलगा करदे न। मोदी होर ब्रिक्स शिखर सम्मेलन ते रूस दे प्रधानमंत्री व्लादिमीर पुतिन ते होरनें नेताएं कन्ने दपकखी वार्ताएं च हिस्सा लैने लेई दऊं दिनें दे दौरै पर कजान पुज्जंगन।

<><><><><><>

## PM-Udan

प्रधानमंत्री नरेंद्र मोदी होरें आखेआ जे सरकार दी उडान योजना नै भारत दे विमानन क्षेत्र गी बदली दिता ऐ। उडान योजना दी 8मीं बरे गंड दे मौके पर प्रधानमंत्री होरें आखेआ जे इस योजना नै हवाई अड्डे ते हवाई रस्ते दी गिनतरी च बाददे कन्नै करोड़ें बददे लोकें आस्तै उडान तगर पुज्ज कीती बनाई ऐ। मोदी होरें आखेआ जे औने आहले समें च सरकार लोकें आस्तै बेहतर राबता ते सुविधा यकीनी बनाने पर ध्यान केंद्रित करदे होई विमानन क्षेत्र गी मजबूत करना जारी रक्खोग।

<><><><><><>

Aviation-Minister Usdan

सिविल हवाबाजी सरबन्धी केंद्री मंत्री राम मोहन नायडू किजंरापु होंरें आखेआ ऐ जे सरकार जहाजें च बम्ब दिएं अफवाएं आली चुनौती कन्ने निब्बड़ने लेई सुरक्षा ते सतर्कता सरिस्ते गी होर निग्गर बनाने लेई तेजिया कन्नै अग्गे होइए कम्म करा करदी ऐ ते इस चाल्ली डर-त्राह फैलाने आलें खलाफ सख्त कार्रवाई लेई वैधानिक कार्रवाई बारे बी विचार चलै करदा ऐ। अज्ज नमीं दिल्ली च मीडिया गी संबोधित करदे होई मंत्री होंरें आखेआ जे सोआरिएं दी सुरक्षा सरकार दी पैहली प्राथमिकता ऐ ते एहदे लेई 1982 आले सिविल हवाबाजी दी सुरक्षा सरबन्धी कन्नू च संशोधन करने बारे बी विचार चलै करदा ऐ।

<><><><><><>

### **Shivraj-Land**

केंद्री ग्रामीण विकास मंत्री शिवराज सिंह चौहान होंरें अज्ज नमीं दिल्ली च शैहरी जिमी दस्तावेजें दे सर्वेक्षण ते नमें सिरेआ सर्वेक्षण च आधुनिक तकनीकें दे इस्तेमाल बारे इक अंतरराश्ट्रीय कार्रजशाला दा उद्घाटन कीता। इस मौके उनें आखेआ जे सरकारै 6 लकख 26 जहार कोला मते ग्राएं दे जिमी रिकार्डें दा कम्प्यूट्रीकरण करी लैते दा ऐ। इस मौके भू-आधार आहली पैहल दिएं उपलब्धिएं दा जिक्र करदे होई मंत्री होंरें आखेआ जे जिमिएं दे विशेष शनाख्ती नंबर जारी करने दी

इस पैहल तैहत 14 करोड़ कोला मते एह नंबर दर्ज करी लैते गेदे न।  
मंत्री होरें राईबाई दे क्षेत्र च आंदी गेदिं विशेष स्कीमें ते उंदे नै  
करसानें गी पुज्जा करदे फैयदें दा बी जिक्र कीता।

<><><><><><>

### Pradhan-Singapore

केंद्री शिक्षा मंत्री धर्मेंद्र प्रधान होरें अज्ज सिंगापुर च उत्थूं दे  
प्रधानमंत्री हुंदे नै मलाटी कीती। बैठक दौरान दौनें लीडरें स्कूली शिक्षा,  
महारत, हुनर विकास, सिखलाई ते अनुसंधान दे क्षेत्र च दपक्खी  
सहयोग बी बदाने पर चर्चा कीती। शिक्षा मंत्रालय मुजब गल्लबात  
दौरान त्रऊं प्रमुख बुनियादी क्षेत्रें, प्रतिभा, संसाधन ते बजार दी  
मजबूती पर विशेष ध्यान देने पर जोर दिता गेआ।

<><><><><><>

### Cameron-India UNSC

बरतानिया दे साबका प्रधानमंत्री डेविड कैमरून होर उनें केई वैश्विक  
नेताएं च शामिल होई गए न जेड़े भारत गी संयुक्त राष्ट्र सुरक्षा  
परिषद UNSC च स्थाई सीट दोआने आस्तै जोरदार तरीके कन्नै  
वकालत करा'रदे न। उनें इस गल्ला पर जोर दिता जे दुनिया गी  
प्रमुख वैश्विक चुनोतिं पर भारत दा नजरिया सुनने ते दिक्खने दी  
लोड़ ऐ। नमीं दिल्ली च इक निजी टी.वी चैनल दे शिखर सम्मेलन गी

संबोधित करदे होई कैमरून हों आखेआ जे दुए विश्व युद्ध मगरा जिसले इनें संस्थाएं दी स्थापना कीती गई ही, तदू थवां हुन तगर दुनिया च बड़ा मता बदलाव आया ऐ। एहू समां बदलाव दा ऐ की जे सारे भारत दे विकास ते औदे उदय गी दिक्खा रदे न जेड़ा भविक्ख च दुनिया दी सब्बनें थवां बड़ी अर्थ बवस्था बनी जाग। भारत जनेहू मुख्य गी इसदे केंद्र च होना लोड़चदा। कैमरून हों संयुक्त राष्ट्र सुरक्षा परिषद च सुधार दी जरूरता पर जोर पाया।

<><><><><><>

### **Shah-Police Day**

केंद्री गृह मंत्री अमित शाह हों आखेआ ऐ जे नशीले पदार्थ दे कारोबार, साइबर अपराध, घुसपैठ, आतंकवाद ते मसनूई समझदारी दे राएं अशांति फैलाने दिएं कोश्टें जनेए खतरें देश दे सैनिकें ते होरनें सुरक्षाबलें दे पक्के धेइये ते देश भक्ति दे जज्बे दे सामने नेई टिकी सकदे। अज्ज नमीं दिल्ली च पुलस यादगारी दिवस दे मौके पर शहीदें गी श्रद्धांजलि दिंदे होई उनें आखेआ जे नमें अपराधिक कनूनें दी अमलावरी मुल्खे च पैहले गै शुरू होई चुकी दी ऐ ते एहू अपराधिणं खलाफ यकीनी तौरा पर कार्रवाई ते न्याय तगर पुज्जने च मते कारी

दे साबत होंगन। उनें गलाया जे स्हाड़ा अपराधिक न्याय सरिस्ता  
दुनिया च सब्बनें शा आधुनिक होग।

<><><><><><>

### **HM-Police**

पुलस यादगारी दिवस पर गृह मंत्री अमित शाह होंरें अपनी इयूटी गी  
अंजाम दिंदे होई अपना सर्वोच्च बलिदान देने आले अमर शहीदों गी  
नमन कीता। सोशल मीडिया पोस्ट च शाह होंरें आखेआ जे एह मौका  
पुलस कर्मिणं ते उंदे परौआर आस्सेआ मुख्य गी सुरक्षित रक्खने  
आस्तै कीते गेदे नेकां बलिदानों गी सम्मान करने दा ऐ। शाह होंरें  
बड्डलै नमीं दिल्ली च राश्ट्रीय पुलस स्मारक पर पुष्पांजलि भेंट कीती।

<><><><><><>

### **Mandviya-E Shram**

केंद्री श्रम ते रोजगार मंत्री मनसुख मांडविया होंरें अज्ज नमीं दिल्ली  
च असंगठित क्षेत्र दे श्रमिकें दिणं समस्याएं दे नबेड़े लेई ई-श्रम पोर्टल  
दी शुरुआत कीती। इस मौके उनें आखेआ जे एह पोर्टल इस क्षेत्र दे  
मजूरों गी बक्ख-बक्ख समाजी सुरक्षा स्कीमें दा फैयदा पुजाना यकीनी  
बनाग। उनें सब्बनें श्रमकें गी इस पोर्टल पर दर्ज होने लेई बी  
आखेआ।



## PM-Summit

प्रधानमंत्री नरेंद्र मोदी हों आखेआ ऐ जे भारत वैश्विक भविष्य की आकार देने च अगुवाह भूमिका निभा रदा ऐ। उनें आखेआ ऐ जे भारत सारे खेतरे च अगगे बदा'रदा ऐ। इक निजी मीडिया आउटलेट आस्सेआ आयोजित विश्व शिखर सम्मेलन की संबोधित करदे होई प्रधानमंत्री हों आखेआ जे दुनिया आर्टिफिशल इंटेलीजेंस दे तौर पर ए.आई की मान्यता दिंदी ऐ, जिसले कि भारत इक दुआ ए.आई आकांक्षी भारत ऐ। उनें आखेआ जे दुनिया जिसले अनिश्चतता च फंसी दी ऐ तां भारत आसें-मेदे दी इक-इक स्रोत दे तौर पर उभरिए सामने आया ऐ। कोविड-19, वैश्विक अर्थ बवस्था, मुद्रा स्फीति, बेरोजगारी, जलवायु बदलाव ते युद्ध ज्नेह मुद्दे दा जिक्र करदे होई मोदी हों आखेआ जे वैश्विक स्थितियां बी भारत की प्रभावित करदियां न। प्रधानमंत्री हों आखेआ जे एनडीए सरकार दे त्रीए कार्यकाल च छड़े 125 दिनें च 9 लख करोड़ रपे की लागत की ढांचागत परियोजनाएं की दिती गई ऐ ते 15 नमियां वंदे भारत रेल गड्डियां शुरू होईयां न। 5 लख घरे की छते पर सौर संयंत्र कायम कीते गए न। 125 दिनें दौरान मुख्ये च विदेशी मुद्रा भंडार बदिए



700 बिलियन डॉलर थवां बद्द होई गोआ ऐ। प्रधानमंत्री होरें आखेआ जे इक वैश्विक फिनटेक उत्सव, वैश्विक सेमीकंडक्टर सरबंधी तंत्र पर चर्चा ते नमीं ते परती-परतिए बरतोने आहली उर्जा ते नागर विमानन पर अंतरराष्ट्रीय सम्मेलन आयोजित कीता गोआ।



### **Naval-Chief UAE Visit**

नौसेना प्रमुख एडमिरल निदेश के त्रिपाठी होर संयुक्त अरब अमीरात ते भारत बश्कार रक्षा सहयोग गी होर तगड़ा बनाने लेई अज्ज संयुक्त अरब अमीरात दी चऊं दिनें दी यात्रा पर रवाना होई गेन। दौरे दौरान ओह उत्थूं दी नौसेना दे कमांडर रियर एडमिरल पायलट सईद बिन हमदान अल नाहयान ते होरनें अधिकारिएं कन्ने बी बैठक लाडन।



### **Manohar-NAMO**

भारत दी पैहली क्षेत्रीय रैपिड रेल नमो भारत गी शुरू होए दे अज्ज इक्क बरा पूरा होई गोआ। इस मौके पर घरें मकानें ते शैहरी मामलें दे मंत्री मनोहर लाल होरें नमां भारत ट्रेन च यात्रा कीती। दिल्ली-गाजियाबाद-मेरठ RRTS Corridor दे प्रमुख स्टेशनें दा दौरा कीता।

नमो भारत रेल सेवा दी सराहना करदे होई उनें आखेआ जे एहदे नै गाजियाबाद, साहिबबाद ते आले-दोआले दे इलाके च आओजाई मती सखल्ली ते सुविधाजनक होई चुकी दी ऐ।



### Textile-Minister

केंद्री कपड़ा राज्यमंत्री पवित्रा मारगेरिटा हों ऐ अज्ज भरोसा जताया ऐ जे 2030 तोड़ी भारत दा कपड़ा क्षेत्र 350 बिलियन डालर तगर पुज्जी जाग। भारत टेक्सटाइल 2025 बारे ीारत च विदेशी मिशनें कन्ने गल्लबात करदे होई मंत्री हों ऐ आखेआ जे पी.एम मित्र ते होर दुइए सरकारी स्कीमें दी मदद कन्ने इस क्षेत्र गी बढ़ावा देने दे अलावा विदेशी निवेश गी बी आकर्षित कीता जारदा ऐ। भारत टेक्सटाइल 2025 दा आयोजन अगले बरे 14 कोला 17 फरवरी तगर कीता जा रदा ऐ।



### LG-Compensation

उपराज्यपाल मनोज सिन्हा हों ऐ गृह मैहकमे दे प्रधान सचिव चंद्र शेखर भारती हों ऐ गी गगनगीर आतंकवादी हमले च पीड़ित नागरिकें

दे परौआरें गी फौरी तौर पर माली सहायता देने दे निर्देश दिते। उनें APCO Intratech Company गी मुआवजा विजन चिर दे जारी करने लेई आखेआ। SRE तैहत 6 लक्ख रपे मारे गेदे लोकें दे नेइमें रिश्तेदारें गी दिते जाडन ते 15 लक्ख रपे APCO Intratech Company आस्सेआ फौरी मदद दे तौर पर दिते जाडन। घायलें गी 2-2 लक्ख रपे दिते जाडन। उपराज्यपाल मनोज सिन्हा होरें आखेआ जे सरकार ते APCO कंपनी हर संभव सहायता ते मदद पीड़ितें गी यकीनी करोग।

<><><><><><>

### **Dy. CM Attack**

जम्मू-कश्मीर दे उपमुख्यमंत्री सुरिंद्र कुमार चौधरी होरें अज्ज गांदरबल जिले च होए दे आतंकी हमले दी निंदा कीती ते गलाया जे एह इयै जनेह हादसे चुनाएं थमां पैहले बी होए दे न। उनें आखेआ जे जम्मू-कश्मीर दे हालार्ते च सुधार होना लोइचदा ते उनेंगी इंदे लेई कम्म करना लोइचदा। उनें आखेआ जे किश बी होआ, ओह गलत होआ ते हालात च सुधार होने च समें लगदा ऐ। लेफ्टिनेंट गवर्नर ते मुख्यमंत्री होरें मीडिया कन्नै गल्ल करदे होई आखेआ ऐ जे इस आतंकी हमले च सख्त कार्रवाई होनी लोइचदी ते डीजीपी होर बी इस हादसे च

कार्यवाई करा'रीदे न। उनें गलाया जे अस्स लोके रां चुने गेदे प्रतिनिधि हां ते अस्स इये जे हादसें दी निंदा करने आं। चौधरी होरे इस हादसे च जान मुहाने आहले लोके दे परोआरे कन्ने बसोस जाहिर कीता ते गलाया जे इस हादसे च जान मुहाने आहले दे परोआर बी सरकार दे परोआर दा हिस्सा न।

<><><><><><>

### **Farooq-Terror**

नेशनल कांफ्रेंस दे प्रधान डॉ. फारूक अब्दुल्ला होरे गांदरबल दे गगनगीर इलाके च होए दे आतंकवादी हमले दी निंदा कीती। इस हमले च इक डाक्टर सने 7 लोक मारे गए। फारूक अब्दुल्ला होरे आखेआ जे नेह हमले कश्मीर गी पाकिस्तान कन्ने नेई मलाई सकदे। पाकिस्तानी नेतृत्व जेकर चाहंदा ऐ जे भारत कन्ने रिश्ते बेहतर होन तां उसी मासूम लोके गी मारना, उंदी हत्या करना छोड़ना होगं फारूक होरे दोहराया जे कश्मीर पाकिस्तान दा हिस्सा कदे बी नेई बनोग। पाकिस्तान 1947 थां कोशिश करा'रदा ऐ ते ओदियां एह कोशशां अजे बी जारी न, पर ओह कदे बी कामयाब नेई होआ ते नां गै होग। एह गल्ल उनें इक खबर एजेसी कन्ने गल्ल करदे होई आकखी। उनें आखेआ जे पाकिस्तान कन्ने उसले तगर गल्लबात नेई होई सकदी

जिसले तगर ओह मासूम लोकें दी हत्या करना बंद नेई करी दिंदा। पाकिस्तान गी अपने मुख्य दे लोकें गी दिक्खना लोड़चदा। उसी चाइदा ऐ जे ओह कश्मीर ते कश्मीरी लोकें गी छोड़ी दे। अस लोकें दी सेवा करना चाहनेआं, उंदिएं समस्याएं दा हल करना चाहने आं ते पाकिस्तान इत्थे मासूम लोकें दी हत्या करा'रदा ऐ। गगनगीर हमलो उसले होआ जिसले श्रीनगर च 2000 धावक जिंदे च 50 अंतरराश्ट्रीय धावक हे ओह मौजूद हे। इनें सब्बनें कश्मीर मैराथन च हिस्सा लैता।

<><><><><><>

### **Haryana-CM**

हरियाणा दे मुखमंत्री नायब सिंह सैनी होरें अपने मंत्रिएं गी बक्ख-बक्ख मैहकमे दी जिम्मेदारी सौंपी दिती ऐ। आपूं उनें गृह, वित्त, सीआईडी ते एक्साइज समेत 12 मैहकमें रक्खे न। एहदे अलावा अनिल विज, विपुल गोयल, राव नरबीर, भारती राव, राजेश नागर, गौरव गौतम, डॉ. आरविंद शर्मा ते महियाल सिंह ठाडा गी बी मंत्रीमंडल च शामिल कीता गेआ।

<><><><><><>

## Iodine-Day

अज्ज आयोडीन दी कमी सरबन्धी कुल संसारी ध्याड़ा मनाया जा'रदा ऐ जेहदा मकसद एदी कमी यानि डेफीशिएंसी दी रोकथाम ते आयोडीन दे महत्व बारै लोकें च जागरूकता पैदा करना ऐ। आयोडीन दा माहनू दे सरीरै च बड़ा मता महत्व ऐ ते एह स्हाड़े मेटाबालिजम गी बी नियंत्रण च रखदा ऐ। एहदी कमी कारण बच्चें च पैदा होने कोला लेइए जनम दे बाद बी कई विकार आई सकदे न। शारीरिक कमजोरी गिल्लड़ ते होर केई चाल्ली दिआं बमारियां आयोडीन दी कमी कारण होई सकदिआं न।



## Odisha-Cyclone

चक्रवाती तूफान दाना तेजिया कन्नै ओडिशा दे समुंद्री कंडे आहली बक्खी अगड़े बधै करदा ऐ ते वीरवार बड़डलै तगर एहदे ओडिशा दे तट कन्नै टकराने दी शेंका ऐ जिसले एहदी रफ्तार 120 किलोमीटर प्रति घंटे घट्ट होग। ओडिशा सरकार इस तूफान कोला बचा लेई तैयारिएं च लग्गी दी ऐ।



## Delhi-Pollution

दिल्ली च हवा दी गुणवत्ता बड़ी मती माड़ी यानि 'वेरी पूअर' श्रेणी च आई गई ऐ। केंद्री प्रदूषण नियंत्रण बोर्ड नै पिछले 24एं घंटे दी ब्हाऊ दे मयार दे इंडेक्स च दिल्ली दा ए.क्यू.आई 307 दर्ज कीता ऐ।

